

陶

齋

臧

石

記

甸齋臧石記卷三十九

宋一

尚書駕部員外郎公墓誌銘

石高二尺四寸廣二尺三寸三十九行行四十九字正書

故尚□□□員外郎公墓誌銘

并序

進士□□撰并□

上泐開寶八年臨清

先府君司聚青社終任捐館即家於

此是為齊人也

曾祖諱□少以孝聞不暇

□上泐皇任

三字

祖母劉氏

先府君諱□皇任尚書駕部員外郎下

泐上泐

公之母也

泐八字

矣

泐五字

五泐三字

母二

下泐第四行

全泐

太

中俱泐

往其

□馬

中俱泐

陵

亦

□學海之

中泐

任

中泐

察下泐 □ □ 汰其中俱泐 幹頁 久論政 □ 氏有中俱泐 官憑 □

□ 利公 □ 也次任德 □ □ 軍中俱泐 方未甯於是 □ □ 馬中泐 全

乃 中泐 奉丹談大 □ □ 好事中俱泐 佐 □ 從海 □ □ 車中俱泐

里之風既洽 □ 同之約泐六字 化 □ 之以琴俗有 □ 攸施之以 中

俱泐 型後北庭嚮慕約泐七字 通修和好 □ □ □ 轉輸 □ □ □ 以

□ 侯 □ □ □ 貢中俱泐 通安遠肅 □ 或 □ 於 □ □ □ 以中俱泐 君

子 □ 為政 □ 導 □ 如酉者山泐四字 差泐四字 軍

泐三字 任約泐十字 往 □ □ 理之遂上泐 家下中俱泐 正官至

□ □ 還冠氏一邑之民如泐四字 人 □ 員須泐五字 令泐三字 承

中俱泐 亦合格者一人故降 □ 濫賞未泐四字 今陵 □ □ 坐 □ 非

私通所由遂同

泐九字

清澆間

約泐八字

軍資庫兼累權通判軍

州事故得兵

□急

約泐十四字

年

□

□

□

門高從

□中

中泐

紀

號

類帝裡宗盛極

□俗

德恩普被

中泐

解

□

□

間

□

□

之

□米

中俱泐

巨細

中泐

公

□

□

刑

□

有章民之從令未

泐五字

文

州軍道

中俱泐

人實

□

郡侯之

□

溫顏

□

下遐

□

□

之

之

下俱泐

皇帝若曰

泐三字

以澄陽

□

政績

中泐

南

中泐

上輕車都尉備

執

□

政

□

如文

中泐

遂

下俱泐

君

□

□

忠如念

中俱泐

化澄飭

中

泐上

下泐

上俯念

泐八字

本州

泐六字

四年冬十二月

□

日

泐十

字以又六

泐三字

通商惠工何期寒

中俱泐

故送終之

□

□

切

中

泐分牛

□

三月二十

□

日

中泐

十三

中泐

次

□

仁

□

天

□

□

仁

□

□土^中外和內□□德芳□□聖令^中莫門^中六^中

渭澈□□芳^中人長曰□□而歿世次^中而^中佔人妻爾

許孰^中四字曰^中五字家恐尚未竭^中五字功自新其□女三人

長從□州團練^中景□男進士□次從著作佐郎知柘州張公

訓克奉閨門孝子□□於當年四月十三日卜^中都縣

□里東□村先□□皆合祔焉棺外無餘物掌□遵^中理命也

□斯文見託退讓匪遑忻有華以又見知□為□而旌德行銘曰

天鍾□氣^中性沉靜芳岳降奇姿心直方芳志業精新

文燦爛芳效官清肅篤忠貞芳□□□□外□芳

□□□□□吾□芳□□□□□□□□□□令德□□□□

謝□□刊

此誌以行數字數計之幾二千字今所釋僅四之一然力已云竭矣蓋原石惟首行及最後三四行尚多有可辨者中間三十餘行則僅每行起訖處尚存一二字餘悉漫滅於漫滅之中欲錄而存之而又無縱橫格可得其部位是以愈難辨識誌中所載府君之諱既經磨泐而標題之姓又僅存个旁故姓名均無從悉標題員外郎三字左旁各存一二畫尚可揣知以上四字則一無所存證以誌文知為尚書駕部四字今石當駕部二字處刻作七四字形者乃後人妄加非原刻之字也幸首行存開寶年號得知為宋初墓誌即證以地名

職官亦皆相合如臨清冠氏均屬大名府滏陽屬磁州俱見地理志駕部通判上輕車都尉團練使著作佐郎皆見職官志州軍並稱者宋初懲藩鎮之禍召節度使居京師別命文臣出守號權知軍州事其後文武官參為知州軍事通判之稱亦如之軍謂兵州謂民故兵民之政皆總焉誌稱累權通判軍州事故得兵□似亦此意也觀誌中所敘似其人由冠氏令權滏陽後復還本任者所謂北庭嚮慕通修和好自指契丹而言則以前所敘□□未甯一段當亦指契丹冠還之事下有轉輸及邇安遠肅等字似任內頗有功者其後敘皇帝以滏陽政績以三品酬勳

上輕車都尉從三品勳級似即追賞此功然

則北庭修好乃其任滄陽時事矣蓋滄陽北達虜境南直京畿固轉輸必由之道也惟攷藝祖初年契丹方出兵助北漢並無通修和好之事惟本紀載開寶七年命知雄州孫全興答涿州修好書八年三月契丹遣使克沙骨慎思以書來講和辛丑召契丹使於講殿觀習射自是始屢通信使則所謂北庭嚮慕者當在此時然誌首已稱開寶八年府君捐館而北庭修好之事又敘在前下尚有還冠氏權通判等事不似即開寶七八年距卒時不久事者是誌與時事似不相符但志文磨滅其先後亦未可臆定矣

僧志因等經幢殘石

石上下斷缺存者高九寸或僅四寸八面共三十七行行存五
字至十五六字不等正書

上缺院主僧志因

上缺百生冤結陀羅尼下缺上缺樂樹下與八千比丘衆俱時下

缺上缺緣未來世中末法衆生多下缺上缺人間是陀羅尼七日

七夜結下缺上缺百八遍七日滿足盡得消滅當下缺上缺喜信

受奉行佛說解百生冤下缺

宣德郎試大理評事守令邵

將仕郎守縣尉劉宣補鎮下缺

前招義軍節度判官王麟下缺

鄉貢三禮王仁甫鄉貢三禮黃海下缺押司錄事李滋王環

錄事司弘

下缺

東廳直頭劉美雜職梁集

廳司李

下缺

東廳右

直頭陳光裔雜職胡清通報

下缺上缺

頭衛罕雜職魏諲顏緒通

報

下缺上缺

邛遇周潛節級徐超韓霸惠進

下缺上缺

施主李

福高賞丁福許仙鼎

下缺上缺

穆進吳美趙美郭美母杜氏郭

下缺

弘村施主前充錄事司李欽單進許

下缺

左家庄施主左璘

左韶男鄉貢三禮

下缺

四柵村施主孔進劉

梁皓孫通

下缺鄉

貢三禮林昭蔭裴美歐慶嚴翰陶

下缺

東曹馬曠施主葛消王

福孟祚丁通曹進

下缺上缺

訓單正

西曹馬曠施主

下缺

上缺

劉興公孫莊施主張

上缺

張裕虞豐劉花

衛進苗

下缺

同村施主韓占成貴

□□

李美男劉李

下缺

南新莊施

主馮通弟美張榮侯堅 盧進 下缺 北新莊施主劉溫男霸王稠

王筠弟 下缺 城村施主匡紹匡讓匡福匡遠 鳳陵 下缺 上缺 施

主前充廣利軍巡檢薛超弘通 下缺 □村施主李瓊男豐單興

郭□ 下缺 縣村施主王習周美張璋 上巖 下缺 十鳴莊施主王

嗣弟遇 夾防村 下缺 上缺 曹施主王緒王茂弟遇

上缺 主王峻弟鄉貢學究 下缺

上缺 時大宋太平 下缺

此幢署銜有稱鄉貢三禮及鄉貢學究者案宋初禮部貢舉設進士及九經五經開元禮三史三禮三傳學究明經明法等科皆秋解冬集春試合格及第者列名放榜於尚書省選

舉志載開寶四年帝籍終場下第人姓名御殿給紙筆別試詩賦得進士二十六人五經四人開元禮七人三禮三十八人三傳二十六人三史三人學究十八人明法五人皆賜及第太平興國二年御殿覆試得呂蒙正以下一百九人越二日覆試諸科得二百人並賜及第又閱貢籍得十舉至十五舉進士諸科一百八十餘人並賜出身此幢為太平興國中造則正當時故實也惟招義軍廣利軍皆宋地理志所未載今據此幢足證宋史之漏略矣宣德郎正七品將仕郎從九品皆下階至元豐官制行則將仕改迪功政和中避宣德門則宣德亦改宣教惟大理有評事節度有判官軍州縣各

有巡檢則終宋之世未嘗更易云

張敬德墓誌銘

石高一尺四寸六分廣一尺四寸
二分十六行每行字數不一行書

故張府君墓誌銘并序

府君諱敬德乃是清河郡之苗裔清緒於茲郡府君行同金玉德
契芳蘭靈公□□頗歷歲華秉忠故仰威推感義不期夜月收光
命忽掩於泉夜府君有嗣子四人見今存焉長曰紹暉次曰紹斌
紹□紹倫姓惟敦克己恭勤每思罔極之□□何報劬勞之思
遂去村西北五里已未於兔勢望南於日已地內撥地二□□和
村人孫緒克修墳塋於孫緒莊南二里在村西南去村二里

□撥得地二畝對換各充墳塋乃□和村人也○維熙□年歲次
乙酉十月辛丑朔九日己酉□□立安厝尊靈備已宅安構施
葬礼恐□□有改土地更移乃勒名石記於他日

慎終追遠 君子孝成 欲報劬勞 □建墳塋 玄堂已立

安厝先靈 保魂魄兮 永安金□ 記此地兮 千載不移

右誌不著郡縣其大略敬德之子以地二畝換孫緒庄前西
南二畝各充墳塋當是徇形家言互占其利故交相易其文
幾似賣地前又似墓地之揭所云撥地對授皆與今市井語
無異亦為誌銘中之一體雍熙年上蝕裂漫滅一字以乙酉
歲考之知為宋太宗雍熙二年即其即位之十年也

淳化四年篆書隴西字殘石

石高約一尺二寸
廣約五寸五分許

淳化四年歲次癸巳

隴西

丁子

按小篆隴作隴西作西上為鳥棲巢之形既反其形下又
从囙幾是此二字皆不合六書名雖為篆實意造也

劉緒施義井欄記

石縱橫各一尺五寸十二行字數不等正書

定州望都縣翟城

鄉劉藻村清信佛弟子劉緒

奉為

先亡兼及見在廻施

石生 □ 欄与在州法華寺永遠

為主故記

伏以義井欄者先施

同村今廻寶地利濟既開於二處存亡必

納於千祥所冀

七世尊親六府宗眷迴往者神遷

於九品見在者福□於百年

仍以合家刊名於後時皇宋淳化

五年歲次甲午正月二十六日故記

妻張氏

男牛兒 男重兒

按此石中已橫泐均未刻字蓋當時舊石已如此故空格以避泐處甲午即淳化五年次年改元至道五上正當泐處非有字也

取□妻宮氏等造象記

石廣八寸三分高一寸四分十六行字數不等正書

王□□府耿□妻宮氏男福妻鮑氏丈母孫氏女母李用妻耿氏次男乞哥女射哥少女□留 乾興元十一月

右乾興為宋真宗及南詔段素廉年號此當為宋石真宗之最後一年也冒即壻字漢仙人唐公房碑作聶王羲之女聶帖從之酉陽雜俎復作聶因古胥字作冒遞變為聶為聶為壻為冒皆壻字俗體女壻之偶已古惟丈母差後耳

孟疑造象記

石象高一尺二寸五分坐高四寸二分廣七寸七角微缺五行正書

林縣仙岳鄉申村管窺村墮稅戶孟疑

造馬明王菩薩一尊

時大宋景祐元年六月八日記匠人張雅

右按宋史地理志無林縣縣始自前明 本朝承之疑此林
下落去慮字林慮屬宋河北西路相州即今彰德府林縣治
蓋於宋為林慮元為林州明為林縣其地一也隋書地理志
林慮縣下有仙人臺太平寰宇記林慮縣下云縣西二十里
有三峯南第一峰名仙人樓又有栖霞谷仙人慮子基教二
子清虛之術云云似所謂仙岳鄉者即指此境摩阿摩邪經
正法衰微六百歲已九十六種諸外道等邪見競興破滅佛

法有一比丘名曰馬鳴善說法要降伏一切諸外道輩摩訶
衍論云過去世中有一大王名曰輪陀有千百鳥皆悉好聲
若不出聲大王損德如是諸鳥若見白馬則其出聲爾時大
王徧求白馬終日不得菩薩用神通力現千百馬鳴千百鳥
紹隆正法令不斷絕是故世尊名曰馬鳴明古與鳴通此石
菩薩象下駢列五馬尚肖菩薩當日現千百馬之狀頗有如
羅泌所言伍子胥西門豹埭象長鬚豹尾以證其實者也

青州佛寺記殘石

石縱高三尺五寸橫徑三尺三寸
十七行字數殘初不具正書

上農使及管勾開治溝洫河道事上柱國九江郡開國公食邑五
缺

千三百戶食實封壹阡

下缺

上缺州平地置平盧軍其城榮帶山岳控引川瀆氣候高爽

下上缺日

舊以為田文之第地勢斗絕堀坳洋水之陰樓觀飛注

下上缺茲

烏寺有中殿宋元嘉二年建甲丁十周棟宇隳圯有常坐比

下上缺

左以陰銘識右以藏鼓格立傳孟嘗飯客以友為節其格存焉載

下上缺曰佛何為者邪夫太始既分皇衢既遠舜禹口讓湯武干戈

自樸巧下上缺救之九州之載人性淑均道德可以化焉禮樂可以

焉故下上缺牙天地土下上缺之下上缺家下上缺生死之業

下上缺山沒乎驚波翳元明而不知甘衆苦而不恨

忤忌而得者謂之能放下上缺何之御三下上缺之輪艤六度之航以

接癡冥以拯昏溺後之登是殿者

缺上

毫之充悟見精之不動聽

寶鐸之音覺聞性之常寂固可以返

缺下

矣予嘗守

茲境目樞之勤聊紀勝因以刊樂石時旦

缺下

缺上察判官朝奉郎試大理司直兼侍御史王淑

朝奉郎試大理

司直兼察御史權節度判官張

缺下

缺上氏候兵馬都監兼在城巡檢宋正德朝奉郎守國子博士通

判軍州兼管內勸農事上騎都尉賜緋魚袋王

缺下

缺上提舉青澠等八州軍兵馬衣甲巡檢公事上騎都尉賜緋魚袋

借紫

缺下

缺上青州刺史兼御史大夫上柱國會稽郡開國公食邑一万□百

右石上下殘裂形如滿月據其文則佛寺記也其言世傳孟嘗飯客以之為節其格存焉疑此寺為孟嘗君故宅而無所徵蓄於心者久之及讀唐封演聞見記卷八云青州城南佛寺中有古鐵鑊二入有一瓮而有耳相傳云是孟嘗君家宅鑊釜皆是孟嘗君之器始恍然此寺果為孟嘗故宅記有缺蝕故不見其事此鼓格者即鑊釜之外之一器也記言地置平盧軍按太平寰宇記青州天寶元年改為北海郡乾元元年復為青州後升平盧軍節度新唐書方鎮表不言平盧軍置自何年但見於上元二年與本紀同考之侯希逸傳及方

鉤齋臧石記

卷五

十一

鎮表平盧軍本治遼西希逸初為節度後為奚侵掠乃拔其
軍二萬入青州據之因以希逸為平盧淄青節度使自是淄
青常以平盧冠號此青州置平盧軍之始大約在乾元上元
之間唐書及樂史歐陽志書亦不能定其年也記言寺有中
殿宋元嘉二年建甲子十周按記末有時景二字而闕其下
宋建號有景德景祐以宋文帝元嘉二年下推至真宗天聖
乙丑共歷十甲子再至仁宗景祐凡十餘年則記作於景祐
時可知宋朝事實景德二年從丁謂所請少卿監刺史閣門
使以上知州者並兼管內勸農使餘及同判並兼勸農事宋
史職官志凡除職事官以寄祿官品高下為準下一品為守

下二品為試又引三朝志兼官則御史大夫侍御監察御史御史大夫不除正員防禦團練判官已上試大理司直評事又加則兼監察御史閤門祇候本內侍官宋制歸之武選又要郡帶兵馬都監並以武臣為之此蓋帶內侍京秩而為州巡檢者在城巡檢不見於職官志若青山寺新修三門記及韓魏公北嶽題名記所署官名皆有兼在城巡檢之稱文獻通考職官門宋興節度觀察司務悉歸於本州刺史通判兼總之此有觀察判官及節度判官是皆為州佐倅之職職官志又言巡檢或數州數縣管界掌訓治甲兵巡邏州邑此云提舉青澠等八州兵馬衣甲巡檢即志所謂數州管界及所

掌之事也又朝奉郎為正六品文散官上柱國上騎都尉為勳官開國公為爵刺史諸司使以上有實封見任前任宰相食邑實封共萬戶並見志中此記前後結銜有實封及一萬□□戶等字其上下皆缺不見姓氏前銜當為京朝官權州事後銜疑為宰相出知青州為使相之任故食邑之戶逾萬洋水見通鑑宋明帝紀胡注洋水即巨洋水顧氏炎武謂洋水為今之巨蔑河在臨朐益都壽光三縣之境記言堀坊洋水正青州境內之水也亦為增考於此

王正中墓表

石上圓式下平連額高三尺一寸三分寬一尺八寸四分二十六行行三十五字字徑五分正書額三行行四字字徑一寸六

分篆書額及碑四周並有花紋

宋故贈司封員外郎王公墓表 額

宋故朝奉郎尚書虞部員外郎上騎都尉賜□魚袋贈司封□外郎王公墓表

外孫大理寺詳□官通直郎□□□鄭方平篆額

河南府鄉□□□王 鄴 書

公諱正中字元規其先澶州衛南人後徙家河□□為河南人

曾祖諱乾裕任率府率 祖諱秉任內酒坊使贈右千牛衛將軍

父諱□□任閤門使贈左千牛衛上將軍 公即閤使之長子

也聰敏過人奮志力學善屬文長□詩書為鄉里所稱□廕補校

書郎 公志篤孝養不忍遠去庭闈日夕以承顏為樂凡二□年
二親壽終 □□□哀毀過禮服除 公曰祿仕者養於親也親
既不逮雖仕奚為欲營雲水道遠之趣以自高絜識者惜 公之
才以為有經濟之業勉 公以居家孝於國忠移孝為忠之說激
公不得已遂起而仕始調亳州城父主簿秩滿以 真廟車

駕幸亳上供羹給

□廷優其勞□轉奉禮郎就知城父改衛府

丞知康州及壽許二郡俸改大理丞河陽侍中張公

者

以 公端

直才幹可任辟授通倅未幾召為開封府推官改太子中舍殿中
丞賜五品服出為夔州路轉運使還闕授知太平州徙泰州通州
改國子博士虞部員外郎知興元府上親之請遂徙峽州告老分

司南京 朝廷優其宿德以其子宗瑗守南京倅便於侍□也慶
祿四年五月十七日以疾終於南京官舍享年七十二從宗瑗贈
典加司封負外郎五年七月二十五日葬於洛陽縣金谷鄉尹村
管從昭德縣太君合祔焉禮也 公先娶胡氏□昭德太君也繼
室以陸氏封福昌縣太君柔慈淑惠自于天性事夫以和順治家
以清肅撫育諸幼過于已出後 公十九年正月二日亡於楊州
私第享年七十五男六人長宗瑗國子博士知南康軍次宗瑾同
學究出身皆亡次宗瓘宗琳皆舉進士次宗瑤宗玘並大女三人
長適屯田負外郎鄭脩次適江淮都大提舉運鹽司度支郎中高
訪次適利州路轉運判官比部負外郎李鳳孫十人倚令鄉儔傳

絳杲卿皆舉進士績太廟齋郎餘並幼孫女九人長適江淮都大
制置發運使太常少卿楊佐次適比部員外郎知忠州王景華餘
皆待年曾孫男二人尚幼治平元年甲辰歲六月二十七日子壻
鳳孫壻佐同宗璫宗琳舉葬 福昌太君陸氏合祔于 公其
公之事迹誌記存焉茲不備錄俟承舅氏之命□紀其實以誌陵
谷而已外孫李俟記

外孫李個書諱

河南張士景刊

子壻利州路轉運判官朝奉郎尚書比部員外郎上騎都尉
賜緋魚袋李鳳立石

右墓表云王公始調亳州城父主簿秩滿以真廟車駕幸亳

上供羨給轉奉禮郎就知城父按宋史真宗本紀大中祥符
七年正月壬寅車駕奉天書發京師丙午次奉元宮判亳州
丁謂獻白鹿一芝九萬五千本己酉升亳州為集慶軍節度
改奉元宮為明道宮二月辛酉至自亳州王公拜奉禮郎之
命即在是時表又稱王公知康州及壽許二郡倅改大理丞
河陽侍中張公耆以公端直才幹可任辟授通倅按張耆宋
史有傳耆字元弼開封人景德朝官至樞密使章獻太后崩
以左僕射護國軍節度出判許州移襄鄆孟許陳壽六州以
太子太師致仕卒謚榮僖王公倅壽許之日即榮僖判六州
之時河陽即孟州与史脗合表又云告老分司南京按元豐

九域志南京應天府睢陽郡唐宋州梁宣武軍節度後唐改
歸德軍宋景德三年升應天府大中祥符七年升南京治宋
城縣王公分司南京在應天升號之後以地與時攷之亦合
王公葬洛陽金谷鄉謹按 大清一統志金谷水在洛陽

縣西北即金水富弼墓在洛陽縣西金谷鄉當距石崇故居
所謂金谷澗者不遠矣李個書諱列名表末與唐徐浩神道
碑張叔平題諱同例即後人填諱所昉也 又按首行揭銜
賜字下當是緋字次行鄭方平揭銜詳字下當是斷字

東鎮安公行宮碑 有陰

石高四尺五分廣二尺二寸四分圭首旁刻花草文二
十一行碑陰二十五行字數參差不一正書

東鎮安公行宮之廟 碑額正書

濰州昌樂辛展重移修平王廟記

朝奉郎大理司直前涇州觀察使姚吉甫男應廣文館進士
迪謨

辛展平王之廟也有來久矣自鄉老曹范張鄭之流就沂山東鎮
今祠上創行宮于辛展之地迄今越百載矣夫天地之生人性為
貴□□□廢替即而興變者日有之也 方今天下被堯舜之化
村祠社壇咸盛焉粵若

平王之神厯

藝祖朝抵

皇當世為東方之鎮雖

國家歲時之祀未嘗闕焉況士庶之儔何堪怠哉噫辛展之民荷

厖祐求洪福積歲年矣觀昔廟頽垣圯壑蓬闕蒿徑如狐兔之穴想吾神也豈居於此乎議曰靈神之遊必潔居輿氓之心胡安意遂遷於故祠之東北東南□沂峯巖然疑行女之髻西北望雪宮渺然廓超嶽之塗前視卉木叢林鶯飛燕舞晝夕若屏風間罔不在目從騎周圍侍姬羅列彩棟雕甍無踰於此肥牲甘醴庶祀有之入祠門而閒跡覲靈像而慄神殿宇隆隆左右抑抑詹飛鳳翼瓦次龍鱗民之興也豈徒然哉庶幾吾神无忝民之意迪北海鰥生也呂土人命曰神祠斯葺繪匠梓工畢日夕矣碑已礪成奈何闕其文不獲讓而作記非敢以為文也姑代誌其所由爾時鉅宋熙甯首禋仲秋二十有六日記

後序犬上老君說常清淨經

曰

老子曰大道無形生育天地大道無情運行□月大道無名長養萬物吾不知其名強名曰道夫道者有清有濁有動有靜天清地濁天動地靜男清女濁男動女靜降今流末而生萬物清者濁之原靜者動之基人能常清靜天地悉皆歸夫人神好□而心擾之人心好靜而欲牽之常能遣其欲而心自靜澄其心而神自清自然六欲不生□毒銷滅所以不能者為心未澄欲未遣也能遣之者內觀其心心無其心外觀其形形無其形遠觀其物物無其物三者既悟唯見於空觀空亦空空無所空所空既無無亦無無無既無湛然常寂寂無所寂欲豈能生欲既不生即是真靜真靜

應物真常得性常應常靜常清靜矣如此清靜漸入真道既入真道名爲得道唯名得道實無所得爲化衆生名爲得道能悟之者可得聖道 老子曰上士無爭下士好爭上德不德下德執德執着之者不名道德衆生所以不得真道者爲有妄心既有妄心即驚其神既驚其神即着萬物既着萬物即生貪求既生貪求即煩慳煩慳忘想之心憂苦身心便遭濁辱流浪生死常沉苦海永失真道□常之道悟者自得得悟道者常清淨矣仙人葛玄曰吾得真道曾誦此經萬遍此經是天人所習不傳於下世吾昔受之於東萊帝君東萊帝君授之於金闕帝君金闕帝君授之於西王母皆口口相傳不記文字吾今於世書而錄之上士悟之昇爲天

官中士得之南宮列仙下士得之在世長年遊行三界昇入金門
左玄真人曰學道之士持誦此經者即得十天善神營護其人然
後玉符寶神金液鍊形形神俱妙與道合真 正一真人曰人□
□此經悟解之者災障不生眾聖護門神昇上界朝拜高尊功滿
德就相感帝君受持不退身騰紫雲

太上老君說常清淨經畢

前都押衙

行書

鐫字

人李岳 陳展 潘□

碑陰

上辛展村重修安公殿都維郎缺光以治平元年缺建結瓦缺功

德主治平二年□竟今熙甯元年五月□日下上缺今具列眾維郎

缺信士名芳如後

□□計家一十八口 □□計家二十六口 劉賓計家五口

王□ □秀 □□ 張用 宋行 尹秀 張淮 吳行 吳

宣 明方 杜成 劉存 劉海 姚_下 □□村□□計家十

口 西□村車□妻王氏計家三口 趙真計家七十口 □_文

韓羨 韓靖 竇海 趙福 袁溫 張方 明金 苑行

竇俊計_下 □□村朱□計家三十口 王密計家九口 王□

計家十二口 王□ 王□ 王□ □玉 北雍村王弁計家

八口 蔡筠 王錫 吳慶 苑友計家五口_下 西□村宋□

妻王氏長男□充大□計家一十□口 宋明計家十一口 時

馬村王善計家六口 翟家庄翟□計家一十三口 施主西氏

王氏 孔順 楊靖 缺上氏計家□十六口 西汲村霍千並

妻孫氏計家九口 霍慶計家□□ 苑旦計家一十四口 苑

千計家六口 張友并妻郭氏計家六口 缺上母宋氏計家十口

缺寶□ 王家庄王万並母李氏計家四口 王遇計 缺□

計家四口 宋和計家□□ □□ 缺上計家一十九口 □□計

家□十口 李温 西□□劉海母趙氏計家六口 劉整 王

田妻李氏計家五口 苑万 缺上高氏長男計家八口 鄭行

劉德 霍素 姜氏□男 缺牛千 劉慶 劉瓊 孫成

宋仙 □□ 鄭輅 鄭郊 鄭□ 鄭千 鄭□ 鄭善 鄭

淮 鄭□ 劉平 皇海 劉順 郭能 高用 郭辛 □□

計家七口 信替□ 馮慶計家□十口 劉恕 徐整 □行

王清 宋江 蔡進 □安 薛慶 成貴 高淮 上妻水氏

長男□ 新婦呂氏孫子黑兒女婆惜 劉秀 高□□家一十五

口住南展 高元 蔡沂 上妻馬氏長男瓊計家一十口 郝

村張□□順□ 缺男用男玉人安孫兒江瘦兒怪兒重孫忙兒

計家□十口 上妻王氏計家八口 南展王容并母鄭氏計家

十口 徐□ 缺張氏長男元女葺趙成 李氏 馮友 維卿

缺九口 缺高鎮林 劉文妻□氏長男握新婦郭氏孫女混女

王七 維卿牛 缺 寶安計家七口 缺 維卿劉金妻高氏長

男玆計家五口 劉□計家二口 呂政妻个氏長男金次男次
男計家十口 韓宜 韓昌 維邨杜舉 陳□妻王氏長男秀
女二姐新婦蔡氏 竇行計家十口 竇成 胡忠妻段氏長男
德安新婦宋氏 維邨杜錄 李 缺 劉海妻龔氏計家六口
孫貴計家三口 維邨杜官 缺妻□氏長男□次男千計家一
十九口 劉貴妻苑氏長男聚新婦鄭氏孫兜高翁 朱馬村□
□劉氏計家十□口 紀首維邨重修安公殿功德主成譚妻王
氏長男□次男象三郎四郎十四娘新婦郭氏孫兜白大白三
紀首維邨韓貴母刁氏妻王氏長男仙次男四哥小兜女越兜新
婦劉氏孫女□蕾伴姑 韓全計家九口 韓□ 紀首都維邨

苑象妻□氏長男錫次男晟又次男天哥計家一十三口 小譚
婆張氏母張氏妻呂氏男劉七計家六口

熙甯元年戊申歲十月庚子朔二十八日丁卯午時建 苑五

□□ 九姑 馬哥 戶長 缺

右碑額安公與記言平王題署互異四鎮之祀署有定所始
見於隋書禮儀志及文獻通考卷八十三隋志言東鎮沂山
舊唐書禮儀志五載四清年別一祭東鎮沂山祭於沂州宋
史禮志立春日祀東鎮沂山於沂州又言沂山舊封東安公
此碑額安公之稱所自出記言平王之神歷載祖朝抵皇當
世為東方之鎮宋志言政和三年封王此則早有平王之號

疑指俗祀當之而額仍題安公以符舊制頗見題額者之不
苟而文特姜荼襲駢儷之陋習書亦笨劣後序太上老君說
常清淨經累數百言蓋欲歛心於靜不生妄念與慈氏合而
誕妄不經之詞附於文後鄉村里老所為宜為神所訶矣撰
文結銜有觀察支使及廣文館進士按文獻通考職官三太
平興國六年詔諸節度使依舊置觀察支使一員位在判官
之下推官之上又宋史選舉志禮部按舊制凡試國子監先
補中廣文館乃投牒就試此其子先就廣文館試故云應也
安公之廟本在沂州臨沂之沂山鄉老乃移於濰州昌樂之
辛展為行宮以展春秋報賽之忱而碑陰人數計數百口當

時斂錢求福大書深刻可以觀宋世之俗與今無異矣

劉四郎墓碣

石高一尺一寸二分
廣八寸八分正書

青州南大雲界

鍛劉大郎男

四郎墓一所

元豐四年七月十二日□

右石上為圭首蓋墓碣也周禮蜡氏有死於道路者則埋而置楬前漢書酷吏尹賞傳瘞寺門桓東楬著其姓名古用木則為楬後世用石故以碣名范蔚宗後漢書趙岐傳曰立一

員石於墓前即碣改從石之證此石員首猶存其制鍛疑是
段字所以表界

四至界石員碣殘字

石高一尺四寸七分廣
一尺七行如左正書

者也之人里言多有仁

北至本縣五里

南北孝至羅信有二

南陽保囉吒尾者好如王三

曲佛頂頂 真三

南至新縣四十五里

元祐年五月日

右石狀如員碣共七行字大小相間行款俱參差斜上所云
幾不可屬讀即以殘石而論如首行之人里言多五字未經
蝕損亦不得其解宋無新縣或有脫字如永新奉新之類未
可臆定然南陽保羅吒尾又似為梵語姑依文錄之以俟考
云

匄齋藏石記卷四十

宋二

承議郎韓宗厚墓誌銘

石高二尺九寸六分廣二尺九寸四分共三十七行行三十七字字徑五分正書

宋故承議郎充慶成軍使兼知河中府榮河縣及管内勸農事驍騎尉賜緋魚袋韓府君墓誌銘

朝散郎前通判永興軍府兼管内勸農事兼陝西制置解鹽司句當公事上輕車都尉賜緋魚袋朱光裔撰
朝請郎充集賢殿修撰知鄧州軍州兼管内勸農事兼京西南路安撫司公事上柱國賜紫金魚袋杜紘書

朝請大夫管句西京嵩山崇福宮上柱國賜紫金魚袋吳
安常篆蓋

紹聖元年六月廿九日承議郎慶成軍使韓君卒於官所享年五
十三越四年九月廿二日葬於潁昌府長社縣嘉禾鄉靈井里先
塋之次嗣子狀 君在緒德美拉予曰 先君之葬有日矣敢請
銘尚顯揚於不朽予惟親友之裨不宜以固陋辭 君諱宗厚字
敦夫潁昌府長社人也曾祖諱保樞贈太師開府儀同三司陳國
公祖諱億皇任太子少傅致仕贈太師開府儀同三司冀國公謚
忠憲考諱緯皇任尚書比部郎中知解州贈右光祿大夫曾祖妣
郭氏周氏並封陳國太夫人祖妣蒲氏王氏並封冀國太夫人母

仁壽縣太君李氏故太子少傅致仕謚康靖李公之女 君以康
靖公陰補太廟齋郎初任徐州沛縣主簿秩滿授江甯府上元縣
主簿大興水利溉污萊為良田者至二千七百餘頃創為堰閘視
時水旱而均節之民獲其利歌詠載涂丞相王文公為守上其狀
於 朝以勞應格特轉光祿寺丞文公知其才事多委於 君以
辦治稱知溫州永嘉縣簽書天平軍節度判官廳公事河決曹村
口水暴至城下危在漏刻 君建議浚古黃河故道以殺其勢太
守而下畏避不決 君請獨任其事水一夕而涸郡民樂在父為
人毆傷在往報之更廿五日而卒獄具當抵死 君曰父被困辱
而為此情有可矜太守嘉其議為讞於 朝得減死論孫宗者以

忿殺人吏鬻其獄罪止於杖 君適發姦狀卒致於法歲饑詔貸
常平種錢有司并給仕宦之家 君以為非 朝廷惠養困窮之
意不當濫及遂以簽書鎮安軍節度判官廳公事時有割賊未獲
捕者利重賞執小盜以告因交通獄吏鍛鍊成罪 君臨訊立辨
其誣為正其獄後竟獲真盜一郡稱為神明京畿積水為害議者
欲隨勢䟽浚自陳達於蔡河 君曰陳地卑下歲苦流潦今又并
受衆水是使鄰境為壑民必受弊事亦不行 君自光祿寺丞四
遷至承議郎賜六品服娶張氏封仙源縣君再娶朱氏封長壽縣
君男八人理太廟齋郎卒琬郊社齋郎瑛琬未仕餘皆早亡女四
人長適前登州防禦判官劉復次未婚而卒二在室孫二人 君

天性樂易通敏篤好學問屬文□速而壯麗可喜有文集百卷藏於家光祿公捐館養母夫人左右順適得其歡欣歲時甘珍之奉雖遠必致 君之亡也母夫人悲思曰天奪我孝子矣韓氏大家

君家尊幼間曲盡敬愛遇人推誠相與久而益親長於吏治雖案牘叢委一視察其隱伏吏人畏惕不敢欺屢佐顯人事有不可者守心不移雖在卑宦以氣節自任練達當世之務嘗上書言元祐間更按問法天下斷獄死者滋衆請復舊條乞比較州縣獄死之囚數多者行罰皆根於仁厚之意王文公爲世儒宗樂教育後進 君嘗執經請益得其精微之旨既輔政同時預丈席者多被薦擢屢欲用 君而輒齟齬不諧通塞之分豈人力也哉銘曰

夙稟軼才 自負奇志 詠經儒宗 究極精義
篤於內行 竭孝奉親 恩均宗黨 愛譽欣欣
當官而行 弗倚弗比 平反庶獄 建設長利
竝游之後 方駕騰驤 君獨不偶 命也何傷
屈於遠用 尚有脩名 刻石垂休 後裔其承

潁水古刊字

宗厚為參政韓億之孫億為宋名臣子絳維續兩為宰相一
為執政宋史各有傳億子綱綜孫宗彥宗道宗師宗武宗文
皆附見傳中傳稱億其先真定靈壽人徙開封之雍邱此誌
又稱宗厚為潁昌府長社人祖孫籍貫何以歧異案地理志

潁昌府本許州元豐三年升為府治長社縣邵氏聞見錄載有韓億負箱送李若谷至長社事其時不家長社可知其後絳維皆兩知許州鎮亦兩知潁昌府誌稱先塋在長社則當是因歷官此地始買山占籍故又為長社人也傳稱億以太子少傅致仕與此誌合惟傳與東都事略皆云贈太子太保不云太師東都事略及朱子言行錄皆云謚忠憲與此誌合而傳則作忠獻又億曾封冀國公史亦不載皆當以誌為正傳稱億八子綱綜絳繹維鎮緯緬東都事略同是緯乃第七子也億八子五子已見史傳今得此誌則不可攷者僅繹緬二人而已

京兆府小學規後有祕書丞通判軍府兼管內勸農事提舉府學韓繹題名是繹之官職亦見於石

刺億父母及夫人名氏他書無可攷亦賴此誌存之億嘗娶趙學士女甫至一夕病卒事見朱子言行錄然則蒲氏王氏皆其續娶者誌稱宗厚之母為故太子少傅致仕謚康靖李公女案即李若谷宋史本傳載若谷以太子少傅致仕謚康靖與此合蓋與億為貧時舊交其後位皆至參政傳稱其少時與韓億為友及貴顯婚姻不絕今其女為億子婦即可證矣丞相王文公謂王安石據本傳及神宗紀安石為江甯府在神宗初立之閏三月至九月即召為翰林學士是宗厚為上元縣主簿當在此時是時安石尚未為相此稱丞相者據其後書之也誌稱宗厚嘗執經請益蓋曾習王氏經義者安

石以韓氏之力得進而宗厚又為門下士乃卒沈淪下僚以死或者不肯附和新法致安石不悅即此誌所謂齟齬者耶書者杜紘宋史有傳載其元祐初出使西夏遷右司郎中大理卿以直祕閣知齊鄧二州復為大理卿權刑部侍郎加集賢殿修撰為江淮發運使知鄴州徙知應天府卒據此誌署銜則知鄴州時已充集賢殿修撰與傳前後小異傳不言其兼安撫司蓋史略也觀此誌書法秀勁殆專摹率更而不僅得其貌者誌稱紹聖元年韓君卒越四年九月葬所謂四年者即紹聖四年猶之魏李超墓誌書超正光五年卒越六年正月十六日辛酉葬所謂六年即正光六年乃武虛谷以為

越六年始葬謂當時年號數年屢易纖悉書之不便於文故約舉言之夫六年果係相距年數則但書其葬時年號而年數自見何俟纖悉此既屬夢囈而畢氏沅以為越六年始葬則當是武泰二年王氏昶又從而駁之謂當是永安二年皆拘於六年之久至以卒後厯次改元所得年月斤斤計算以合其數尋常眼前語忽求之雲霧之中徒泥尚書召誥之文竟不思正月十六日字將何所屬三家一例所不解矣元豐九域志載長社縣七鄉嘉禾鄉當即其一太平寰宇記長社縣下引九州要記云許昌靈井亦曰靈泉今靈井里得名當即以此地理志河中府次府大中祥符中以滎河為慶成軍

神宗紀載熙甯元年廢慶成軍地理志榮河縣下注云舊隸慶成軍熙甯元年廢以榮河隸府即縣治置軍使此誌標題正與史合天平軍節度使治鄆河河渠志熙甯四年八月河溢澶州曹村神宗紀則書是年九月河決鄆州蓋八月上流潰決故鄆州以下流繼之誌所謂河決曹村口水暴至城下當即其事鎮安軍節度使治陳州故有陳地卑下之議云再此跋錄竟數日偶檢金石書始知此誌已錄於中州金石記及金石萃編畢氏跋既敷衍無謂王跋亦罕所攷證其所攷者亦皆已見余跋今不複錄惟二書並錄有韓宗道墓誌其文有云韓氏世家常山自累贈太師開府儀同三司冀國

忠憲公諱億以文學起家致位政府始葬其父累贈太師開府儀同三司陳國公諱保樞于潁昌府之長社縣遂為潁昌人語較此誌為詳乃知其由雍邱徙長社之故而此誌所謂先塋實自億葬其父始又云宗道葬長社縣嘉禾鄉附忠憲公兆畢跋謂億碑今在許州城東北三十里則知億亦葬此宗厚之葬亦係附忠憲公兆由是推之則億子孫葬此者必多矣據宗道誌則億之孫又有宗直宗道三子曰璩璫璵合此誌觀之則億曾孫又皆以玉旁字命名也宗道誌篆額者為吳安持宋史附其父吳充傳此誌乃吳安常篆額當亦其兄弟行矣又此誌二書皆編於紹聖五年九月亦猶沿李超

誌解作越四年之久不知紹聖五年六月已改元元符不得
繫九月於紹聖五年也今並正之

居養人馬元葬專

專縱橫各一尺零八分上律字徑二寸半餘徑一寸至二寸不
等正書

准縣尉公文詣

居養所檢得

居養人馬元

因卒患身死

依條葬漏澤

園大觀元年

律

四月廿五日記

檢字疑是檢字之誤居養所漏澤園蓋官設葬養窮民者

陳明叟墓誌

石高一尺一寸五分半寬一尺八寸四分彊二十五行行十七字字徑四分彊正書

宋故陳明叟墓誌銘

叔 宜之撰

子仲兄祖德之子煜字明叟年十七而死仲兄哭之哀甚嗚呼孔子曰苗而不秀秀而不實其明叟之謂乎明叟生而聰敏殆若夙悟八歲而失其所恃孺慕泣血號稱孝童年及幼學始從師讀書日誦數百言往往通大義衆皆謂其爲遠器非它兒可比也不幸得唾血疾初亦甚微政和五年冬我先夫人捐館舍明叟號泣如

失所恃疾遂大作僅得小康明年秋予從仲兄走河南卜襄大事而明叟侍行道過龍門歷龕嵒明叟所至輒賦詩自刊名于石上初未嘗學也仲兄驚與予言此非兒平日所能爲者其進如是仲兄喜甚予獨私憂之此殆退之之謂滂也明叟天資孝悌其年日長至拜起甚勞明叟知其爲恭而忘其身之病越明日疾再作寢至於不可而死實政和七年二月十一日也後六十有一日葬於河南府壽安縣龕澗里哉先考妣墓之東七十步明叟姓陳氏汝州葉人曾祖諭故任尚書職方員外郎祖綱故不仕仲兄名寬之未仕於其葬也仲兄哭謂予曰汝其謂我銘吾子乃序而銘之銘曰嗚呼天顏壽跼吾不知其理也孰俾其愚而昌智而死也自古

聖賢未嘗不歎息於斯則吾兄之哀庶乎其少止也

誌云政和五年冬先夫人捐館舍按唐崔慎經夫人李氏墓誌捐館於敦行里第則嬪人稱捐館唐墓誌先有之矣小康字昔人入文皆謂家事粗給此作疾少瘳解亦異韻韓滂文公從子十二郎老成之子文公集韓滂墓誌銘略云滂清明遜悌以敏讀書作文功力兼人為文詞一旦奇偉驟長不類舊常吾曰爾身無假人耶退大喜謂其兄湘曰某違翁且踰年悲無以為見今翁言乃然可以為賀既數月身疾以卒年十九矣又按唐吳達墓誌云夫人萬氏捐館於前里第此亦嬪人李稱捐館之一證

杜宗象墓誌

石高一尺九寸一分寬一尺八寸七分二十四行行二十七字
字徑五分正書蓋高一尺三寸六分寬一尺四寸二行行二字
字徑二寸鐘篆書

副使墓誌

蓋

宋故左藏庫副使贈武功大夫杜公墓誌銘

從姪 公力 撰并書

公諱宗象字仲祖曾祖審進保平靜江軍節度使贈太師京兆郡
王祖彥鈞安化軍節度使父贊文內殿承制母李氏旌德縣太君
初承制公捐館夫人上言以公 昭憲皇后之裔願世其祿

朝廷憫之授公三班借職應監西京都亭驛兼禮賓院三泉縣

商稅以課息羨溢特轉一官充并州陽興寨兵馬監押嘉眉州巡檢集賢校理刁約知公才辟監韶州永通監鼓鑄增倍優被賞與秘閣校理李紱聞公名辟句當衛州淇水第二監後為壽州城南門外都巡檢使燕守把浮橋催綱尉氏縣兵馬都監永興軍奉天縣兵馬都監元豐中特差充信州兵馬都監公從仕三十餘年自三班借職十四遷至左藏庫副使應官無玷累而所至有治績事親篤於孝而訓子以義方姻睦稱於宗族信義施於僚友節行著於鄉黨才美聞於縉紳偉哉公以二子登朝屢膺褒典累贈至左屯衛大將軍會改官制授贈武功大夫自非善慶之積疇克至此公首娶林氏次娶王氏後娶王氏並追封太令人四男軫見武翼

大夫致仕元故供備庫副使知孚州軍州事宿奎早亡三女長適
故內殿崇班張太初次適武翼郎史紳次適故敦武郎李全孫六
人翰早亡翱翔並承節郎必強早亡必簡承信郎孫女一人適貢
士李揚休公以元豐六年十月初九日以疾終于信州官舍享年
六十六權厝京城之東後三十五年嗣子軫卜重和二年二月十
四日舉祖妣之柩歸葬于河南府洛陽縣賢相鄉雙洛原祔京兆
郡王之塋以公力備聞伯父之遺美見委以銘義不當辭銘曰

仕之克勤

寵加于身

善積諸已

慶貽後人

褒贈屢錫

佳城維新

其與嵩洛

萬古不泯

按杜君曾祖審進祖彥鈞宋史外戚竝有傳父贊文妣彥鈞

傳據傳審進定州安喜人昭憲皇太后之兄審琦之弟五弟
乾德三年保義軍節度觀察留後五年加本軍節度太平興
國六年加檢校太師雍熙四年授靜江軍節度端拱元年卒
贈中書令景德三年追封京兆郡王誌云保平靜江軍節度
使保平當是保義之異文宋史地理志陝州大都督府陝郡
太平興國初改保平軍而無保義軍之名則是史誤無疑當
據誌糾政之誌云贈太師傳作加檢校太師而贈官則中書
令疑亦誌是而傳非唯靜江軍節度使京兆郡王則誌與傳
合彥鈞傳大中祥符九年拜密州觀察使出為并代副都部
署天禧元年卒贈安化軍節度誌但書其贈官而已子贊文

為供奉官誌云內殿承制亦與傳異孫宗壽三班奉職則宗象兄弟行矣誌稱杜君從仕三十餘年自三班借職十四遷至左藏庫副使凡所歷官監西京都亭驛兼禮賓院三泉縣商稅并州陽興寨兵馬監押嘉眉州巡檢監韶州永通監句當衛州淇水第二監壽州南門外都巡檢使兼守把浮橋催綱尉氏縣奉天縣信州兵馬都監與宋史職官志三班借職敘遷之制不合其三班借職敘遷之制借職轉奉職歷右班左班殿直右左侍禁西頭東頭供奉官內殿崇班承制供蒔庫使凡十一轉而至左藏庫副使所歷皆京朝官而杜君所歷自商稅至都監皆外任官又據志三班借職凡九轉至內

殿承制應轉供葡庫使有戰功轉禮賓副使而杜君自三班
借職才一轉即監都亭驛兼禮賓院何超擢不次若是可見
當時量能授事不斷斷於內外任之分亦不盡循資按格也
都亭西驛及管幹所掌河西蕃部貢奉之事禮賓院掌回鶻
吐蕃党項女真等國朝貢館設及互市譯語等事竝隸鴻臚
寺巡檢司有沿邊溪峒蕃漢都巡檢或數州數縣管界或一
州一縣巡檢中興已後分置都巡檢使都巡檢巡檢州縣巡
檢掌土軍禁軍招填教習之政令以巡防扞禦盜賊据此墓
誌則都巡檢使之職元豐前已有之不自中興後始矣据外
戚傳
彥鈞亦官西京水
南北都巡檢使州府已下兵馬都監掌其本城屯駐訓練

之事資錢者為監押諸州鑄錢監監官各一人屬少府監左
藏東西庫掌受四方財賦之入以待邦國之經費給官吏軍
兵奉祿賜予舊分南北兩庫政和六年修建新庫以東西庫
為名杜君官副使在元豐已前尚無東西庫之名矣杜君所
歷官之大略見於職官志者如此文獻通攷熙甯八年諸路
鑄錢總二十六監第二衛州黎陽監每年鑄錢二十萬貫第
二十五韶州永通監每年鑄錢八十萬貫宋史食貨志慶厯
末韶州天興銅大發歲采二十五萬斤詔即其州置永通監
皇祐中饒池江建韶五州鑄錢百四十六萬緡治平中饒池
江建韶儀六州鑄錢百七十萬緡熙甯間衛州黎陽監歲增

折二凡五萬緡杜君監鑄韶衛二州在治平熙甯閒矣淇水
弟二監或即黎陽之支監抑增設之監史所弗詳歟刁約字
景純康定中与歐公同在館閣修禮書後直史館浩狀有山
林志挂冠而歸築室潤州號藏春塢日游息其中東坡題云
年拋造化甄陶外春在先生杖屨中見廖用賢尚友錄約衍
湛之子見潘遵祁尚友錄續集衍宋史有傳李紱字子儀熙甯三年秘閣校理知
蘇州累官少卿蘇魏公集有冬至瓦橋与李紱少卿會飲
和李少卿寄吳仲庶又和吳仲庶寄子儀諸詩紱自有送程
給事知越州七律詩竝見會稽掇英續集二公當代名流杜
君得蒙賞拔必非貿狀無具者誌又云公以二子登朝屢贈

至屯衛大將軍會改官制換贈武功大夫按職官志宋自元
豐三年迄政和末屢有更換官制之舉而武階詔易新名則
事在政和末此云會改官制必指是時無疑銘詞末句萬古
不泯与上身人新叶按廣均集均正均泯竝音民彌鄰切均
會舉要詩靡國不泯一音民

符侑墓誌

石高寬各一尺四寸十三行行十五字字徑七分正書

宋故忠翊郎符侯墓誌銘

侯諱侑字子列曾祖惟則贈左領軍衛將軍祖守正贈左千牛衛
將軍父世表武德大夫見管勾西京中藏廟侯孝友多能莅官勤

飭娶宗室仲博女再娶直龍圖閣令誠女生男二人滋浩女二人
初任安州應城縣監酒次任淮寧府西華縣縣門次任河南府福
昌縣尉宣和二年三月十三日以疾卒于家享年三十六以六月
初三日葬于洛陽之先塋銘曰

才足以有為而位不顯善足以及人而止於此嗚呼逝矣其
必有後乎

在昔興午之世符為著姓歷唐宋而寢散萬姓統謚宋有符
南運官瓊州司法此外不多見符侂及其曾祖祖父於史籍
並無攷侂所歷官淮甯府西華縣縣門按縣係縣之行書即
縣字斗旁寫作什与漢韓勅禮器碑白石神君碑石門頌北

齊郭巨碑唐贈泰師孔宣公碑斗寫作𠂔竝同錢竹汀先生
云漢餘斗作𠂔行書蟬聯而上与升幾無別此𠂔字之𠂔翁
即所謂与升無別者是已𠂔古斗字管子乘馬篇六步一𠂔
後漢書仲長統傳令畝收三斛斛取一𠂔皆用𠂔作斗斗門
都水屬官猶今河工之閘官司啟閉者宋史地理志淮甯府
本陳州宣和元年升為府河渠志大中祥符二年四月陳州
言州地洿下苦積潦歲有水患請自許州長葛縣浚減水河
及補棗邨舊河以入蔡河從之天聖七年都大巡護惠民河
王克基言按舊制蔡河斗門棧板須依時啟閉調停水勢据
太平寰宇記陳州西至許州二百八十里西華縣治陳州西

八十里則自許州界內引水入陳州蔡河西華適丁要衝字

記宛以縣下云蔡水自西北流入經西華縣斗門即蔡河斗

門無疑此官名不見於職官志則以其秩纂敘耳僧兩娶皆

宗女宋史宗室世系表東平郡王仲博商王元份曾孫蕭王

宗博之子誌不書爵以顯甚故不書直龍圖閣令誠世系表

失載

令字辰官直龍圖閣祇令佳一人

以名辰攷之亦玉牒近枝僧先後為

貴壻而區蹇下僚殆亦不求宦達者歟誌不稱符君而稱符

侯為少異矣銘詞似古文體格亦塵見

謹按 欽定歷代職官表河道各官牘官唐斗門長誌云

任西華縣斗門或即斗門長唐官宋仍之也

藥三郭下問等葬專

專高廣各一尺字徑六七分至寸餘不等正兼行書

藥三郭下問甘

成馬口因患身死

逃家改責

尸首

宣和三年四月廿二日

口口園葬訖

謝錦買墳地券

石縱橫各七寸七八分十七行行十八字正書

大宋宣和揚州府江都縣東水閘運河東面南居住祭主謝錦等
伏緣故室人張氏之靈奄逝未卜塋墳夙夜憂思未遑旂厝遂令
日者擇此高原來去潮迎地占豫吉地屬本府江都縣民人朱鎮
子堰遠宅兆梯已出脩錢絲買到墓地壹方東至草埂爲界西至
溝心爲界南至朱宅墳爲界北至溝心爲界四至明白左青龍右
白虎前朱雀後玄武四域丘承墓伯封步界畔道路將軍齊整阡
陌畝後千年百載永無殃咎若有干犯並令將軍傳長縛付河泊
今備牲牢酒脯百味香酌共爲信契新塋遷作乙山辛向兼卯酉
三分安葬財地交相各已分付工匠修營安塋後永保人口子孫
永遠清吉

知見人歲月主代保人今日直符故氣邪精不得忤忤死替居者地府主吏存亡急急如

五帝使者 玄青律令券奉

承天郊法后土里靈地祇陰府之神位 肉

右券係當時鄉里小民所為其詞鄙俚別字太多無足深道前所錄宋元徽元年高鎮買地券雖疑偽造然此券譌字有可互證而得者至未遑所厝之厝自是措字之譌然漢書賈誼傳抱火厝之積薪之下字亦作厝集韻云同措是厝措二字古本通用也又明宋秀券詞亦略同

沙門圖規書陀羅尼經

石上下及右方俱斷現存一尺七八寸廣尺許十八行前兩行
僅存數字第三四行中缺餘存二十七八字不等正書
經文不錄

朝散大夫尚書戶部郎中通判涿州軍州吏

下缺

靜江軍節度使銀青崇祿大夫檢校司徒知涿州

下缺

沙門圓規書

此石雖無年月然以職官考之則灼然宋刻也宋史稱宋懲
五代藩鎮專恣頗用文臣知州復設通判以貳之其後文武
官參為知州軍事是知州通判之官皆始於宋也檢校之名
雖始於唐然宋有檢校官十九其五曰司徒則猶承唐制也
宋代官制有官有職有差遣居其官不必任其職故以中朝

職事官外補者仍帶本官如此刻之戶部郎中檢校司徒皆所帶之官也節度使恩禮特隆亦僅遙領如靜江軍本唐桂州始安郡即今廣西桂林府地而此刻以靜江軍節度使知涿州是也惟涿州自晉賂契丹後至宣和四年遼將郭藥師以州降始置官吏隸燕山府然至七年金人盡取燕山州縣而涿又復沒於金然則是經之刻當在宣和五六年中矣惟崇祿大夫歷代所無或謂因崇榮近似而譌則宋亦並無崇祿之號惟遼避太宗德光諱嘗改光祿寺為崇祿寺則崇祿大夫當亦遼人改稱意此人即藥師同時降將宋餌以顯秩使仍守本州其時庶事草創故尚沿遼舊號耳宋史地理志

涿州下有金將郭樂師云云案金將應作遼將考證未糾其誤附識於此

胡六八開井石記

石高一尺三寸上廣約八寸下廣約一尺許行字如左正書

奉三寶信士胡六八將仕謹施官會壹拾貫

文省恭入 普慈教寺十六觀堂常住開井一

口所生功德

保扶宅門光顯眷愛和寧法界衆生同圓種□

開禧二年八月 日觀門 謹題

右按此施錢開井石記胡六八以數為名宋有此稱如六二

六三之比將仕者將仕郎也宋為從九品宋以紙幣通行民間自高宗紹興三十年造會子初行止於兩浙後通行於淮浙湖北京西其沿流州軍錢會中半民間典賣田宅馬牛舟車等如之全用會子者聽見宋史食貨志錢幣門此云官會壹拾貫文即會子蓋當時通行施以開井者也

衢州錢題名

石四周錢缺見存高約二尺寬約二尺九寸九行字徑二寸五分

上獄公事閣下

上制東諸郡縣早閣下

上寶嚴遂遊閣下

第二行制字第四行翼字第五行遂字
台字第六行不字癸字第七行亦字
半泐第七行以字第八行日字泐甚處
可辨識

上 絕頂回宿是寺翼

閣下

上 遂昌將窮溫處台

閣下

上 不唯得以究民瘼

閣下

上 以攬溪山之勝亦

閣下

上 閏年九月二十日

閣下

上 閏 拈待行

右題名末云拈待行即趙清獻也清獻占數西安涇東諸名

勝皆後齒所恆經本集有覽先祖太傅留題國清寺繼和五

律又与男岷遊天台石橋覽先祖詩

按此詩當是唐崖

因成七絕云

石橋吾祖昔留詩句有天寒樹著衣山下老僧能歎詠諸孫

三歲與光輝據此則清獻逮事大父唯尚在孩穉此題名則侍父紀遊之筆也惜殘缺泰甚不辨何年本集序云景祐元年進士及第釋褐後宦遊四方洎致仕已耆年矣侍親題名必在景祐已前也四川閬中台星巖有天聖九年司馬池題名末云司馬光捧硯名賢遺蹟與此同珍已